



Olav Hovda har førebels 25 tonn brisling ståande ved Ånuglo. (Foto: Ola Matti Mathisen)

**Natt til laurdag var fem brislingbruk i arbeid i fjorden utanfor Skorpo, men berre eitt kasta og utbyttet var labert.**

**Det fortel fiskeskippar Olav Hovda frå Finnøy i Rogaland som har lagt til med bruket sitt ved Sandakaiaen.**

**Det heiter naturleg nok Hovda.**

Hovda antar at det er 15 brislingbruk akkurat no i ytre del av Hardangerfjorden, Åkrafjorden og Matre og i 'vår' fjord er fiske tillete så langt inn som til Steinsfossen.

Grunnen til den store konsentrasjonen om Hordaland dette året er grei nok: Det er berre her det er opna for brislingfiske.

- Dei som prøvafiska fann ikkje store nok forekomstar korkje i Rogaland eller Sogn denne gongen til at det kunne opnast for fiske, påpeikar fiskeveteranen, som snart har 50 år bak seg i yrket.

- Men når det er tillete fiskar vi overalt, legg han til.

Sjølv har han hatt ein relativt brukbar start denne gongen. Han har ståande eit steng på 25 tonn fin brisling ved Ånuglo og håpar å få denne levert i Bergen til veka.

- Det var eit fint kast. Men eg må ha mange gonger 25 tonn hvis dette skal bli ein brukbar sesong, seier Olav, som har eit mannskap på sju.



Velutstyrt brislingbruk ved Sandakaien laurdag: Hovda frå Finnøy. (Foto: Ola Matti Mathisen)